



Komisija za izbor, imenovanja i finansijsko-administrativna pitanja

Na osnovu Zaključka o poništenju Javnog oglasa, broj: 02/3-30-476-2/23 od 21.07.2023.godine, Komisija za izbor, imenovanja i finansijsko-administrativna pitanja Skupštine Unsko-sanskog kantona objavljuje

PONIŠTENJE
Javnog oglasa za izbor članova Nezavisnog odbora

Poništava se Javni oglas za izbor članova Nezavisnog odbora objavljen na web stranici www.skupstinausk.ba 16.06.2023.godine, u dnevnom listu „Oslobođenje“ 17.06.2023.godine i u „Službenim novinama Federacije Bosne i Hercegovine“ 23.06.2023.godine

i istovremeno

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) i člana 32. Zakona o unutrašnjim poslovima Unsko – sanskog kantona ("Službeni glasnik Unsko-sanskog kantona", broj 13/16 i 16/17), Komisija za izbor, imenovanja i finansijsko-administrativna pitanja, na 29. sjednici održanoj dana 27.07.2023.godine, raspisuje

PONOVNI JAVNI OGLAS
ZA IZBOR ČLANOVA NEZAVISNOG ODBORA

U skladu sa Zakonom o unutrašnjim poslovima Unsko–sanskog kantona, imenovanje članova Nezavisnog odbora vrši Skupština Unsko–sanskog kantona, na prijedlog Komisije za izbor, imenovanja i finansijsko– administrativna pitanja Skupštine Unsko – sanskog kantona.

Nezavisni odbor se sastoji od sedam članova, a sastav Nezavisnog odbora odražava nacionalni sastav stanovništva na teritoriji koju obuhvata Kanton prema posljednjem popisu stanovništva u Bosni i Hercegovini.

I. NADLEŽNOST NEZAVISNOG ODBORA

Nezavisni odbor nadležan je da raspisuje i provodi Javni konkurs za imenovanje policijskog komesara, vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra, prati rad policijskog komesara i o tome izvještava Skupštinu Kantona, predlaže razrješenje policijskog komesara Vladi, vodi prvostepeni disciplinski postupak protiv policijskog komesara i izriče disciplinske sankcije, prima, razmatra i postupa po podnesenim žalbama na rad policijskog komesara, usvaja poslovnik o radu Nezavisnog odbora i izvještava Skupštinu Kantona o svom radu, obavlja i druge poslove u skladu sa Zakonom o unutrašnjim poslovima Unsko – sanskog kantona.

II. KRITERIJI ZA ČLANSTVO U NEZAVISNOM ODBORU

Član Nezavisnog odbora može biti svako lice koje:

- a) je državljanin Bosne i Hercegovine;
- b) ima najmanje VII stepen školske spreme ili 240 ECTS studijskih bodova i najmanje pet godina radnog iskustva, nakon sticanja visoke školske spreme u oblasti pravnih, kriminalističkih, sigurnosnih ili drugih društvenih nauka;

- c) nije član političke stranke;
- d) u posljednje četiri godine nije bilo na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- e) u posljednje četiri godine nije bilo član izvršnog ili zakonodavnog tijela na bilo kojem nivou vlasti u Bosni i Hercegovini;
- f) nije osuđivano za krivično djelo;
- g) da se protiv njega ne vodi krivični postupak;
- h) da mu nije izrečena disciplinska sankcija za teže povrede službene dužnosti;
- i) da nije policijski službenik ili zaposlenik Ministarstva i Uprave policije;
- j) da nije otpušten iz državne službe kao rezultat disciplinske mjere na bilo kojem nivou u BiH, u periodu od tri godine prije objavljivanja upražnjene pozicije;
- k) da nije obuhvaćen odredbom člana IX. 1. Ustava Bosne i Hercegovine.

III. PRIJAVLJIVANJE - POTREBNI DOKUMENTI

Kandidati su dužni dostaviti sljedeću dokumentaciju (original ili ovjerene kopije koje ne smiju biti starije od 6 mjeseci):

- 1) diplomu o stečenoj stručnoj spremi (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastalih raspadom SFRJ nakon 06.04.1992.godine),
- 2) dokaz o radnom iskustvu,
- 3) izjavu za uslove iz alineje c), d), e), h), i), j) i k) i
- 4) uvjerenje iz službene evidencije za uslove iz alineje a), f) i g).

Potrebni dokumenti traženi Javnim oglasom dostavljaju se uz popratni akt koji mora biti vlastoručno potpisan i u kojem se obavezno navode lični podaci (ime, prezime, adresa, broj telefona), kao i izjašnjenje o nacionalnosti shodno odredbi člana 29. stav (4) Zakona o unutrašnjim poslovima Unsko – sanskog kantona.

IV. MANDAT ČLANOVA NEZAVISNOG ODBORA I DODATNA POJAŠNJENJA

Nezavisni odbor imenuje se na mandatni period od četiri godine.

Izjave za uslove iz tačke II. alineje c), d), e), h), i), j) i k) mogu se dostaviti na jednom papiru koji mora biti vlastoručno potpisan i ovjeren od nadležnog organa.

Svi kandidati koji budu ispunjavali uvjete konkursa bit će pozvani na intervju pred Komisijom za izbor, imenovanja i finansijsko-administrativna pitanja. Kandidate koje nakon intervjua preporučí Komisija za izbor smatrat će se da su najuspješnije prošli otvorenu konkursnu proceduru.

Javni oglas objavljuje se u Službenim novinama Federacije Bosne i Hercegovine, dnevnom listu „Oslobođenje“ i na web stranici Skupštine Unsko-sanskog kantona www.skupstinausk.ba i ostaje otvoren 15 dana od dana posljednjeg objavljivanja.

Popratni akt sa traženom dokumentacijom može se dostaviti lično na protokol pisarnice Službe Skupštine Unsko-sanskog kantona ili putem pošte na adresu:

SKUPŠTINA UNSKO-SANSKOG KANTONA
 Komisija za izbor, imenovanje i finansijsko administrativna pitanja
 Ul. Alije Đerzeleza br. 2
 77000 BIHAĆ
 sa naznakom
PRIJAVA NA PONOVI JAVNI OGLAS
ZA IZBOR ČLANOVA NEZAVISNOG ODBORA
– NE OTVARATI

Nepotpune i neblagovremene prijave neće se uzeti u razmatranje.

NAPOMENA:

Kandidatima koji su se prijavili na konkurs koji je poništen Zaključkom komisije broj: 02/3-30-476-2/23 od 21.07.2023.godine, neće se vršiti povrat dokumentacije.



Predsjedavajući Komisije
Agan Bunić